

王文成全書

欽定四庫全書蒼要

吉林出版集團有限責任公司
海天出版社

欽定四庫全書薈要

集部
別集類

吉林出版集團有限責任公司
海天出版社



廣雅堂藏書

目次

書名		卷次	頁次	作者
王文成全書		卷一九—卷三八		明·王守仁撰
卷一九	外集一		四一六—一	
卷二〇	外集二		四一六—三七	
卷二一	外集三		四一六—八二	
卷二二	外集四		四一六—一一	
卷二三	外集五		四一六—一二五	
卷二四	外集六		四一六—一四一	
卷二五	外集七		四一六—一五七	

書

名

卷

次

頁

次

作

者

卷二六

續編一

卷二七

續編二

卷二八

續編三

卷二九

續編四

卷三〇

續編五

卷三一上

續編六

卷三一下

續編六

卷三二

附錄一 年譜一

卷三三

附錄二 年譜二

四一六—一八八

四一六—二〇九

四一六—二三七

四一六—二四五

四一六—二七一

四一六—三〇八

四一六—三三八

四一六—三六五

四一六—三九八

書

名

卷

次

頁

次

作

者

卷三四

附錄三
年譜三

卷三五

附錄四
年譜四

卷三六

附錄五
年譜五

卷三七

附錄六
世德紀一

卷三八

附錄七
世德紀二

四一六—四二一

四一六—四六一

四一六—四八六

四一六—五〇六

四一六—五六七

欽定四庫全書薈要

集部

王文成全書卷十九

欽定四庫全書薈要卷一萬六千八百七十一集部

王文成全書卷十九

明王守仁撰

外集一賦騷詩

賦騷七首

太白樓賦丙辰

歲丙辰之孟冬兮泛扁舟于南征凌濟川之驚濤兮覽層
構乎任城曰太白之故居兮儼高風之猶在蔡侯尊余以

欽定四庫全書

王文成全書
卷十九

從陟兮將放觀乎四海木蕭蕭而亂下兮江浩浩而無窮
鯨敖敖而湧海兮鵬翼翼而承風月生輝於采石兮日留
景於嶽峰蔽長煙乎天姥兮渺匡廬之雲松慨昔人之安
在兮吾將上下求索而不可蹇予雖非白之儔兮遇季真
之知我羌後人之視今兮又烏知其不果吁嗟太白公奚
為其居此兮余奚為其復來倚穹霄以流盼兮固千載之
一哀昔夏桀之顛覆兮尹退乎莘之野成湯之立賢兮迺
登庸而伐夏謂鼎俎其要說兮維黨人之擠詒曾聖哲之

詳校官候補通政司經歷臣郭祚熾

下舟之人兮儼服亦有庶幾夫子之蹤者

九華山賦 壬戌

循長江而南下指青陽以幽討啓鴻濛之神秀發九華之天巧非效靈於坤軸孰構奇於玄造涉五溪而徑入宿無相之窈窕訪王生於邃谷掬金沙之清潦凌風雨乎半霄登望江而遠眺步千仞之蒼壁俯龍池於深窅吊謫仙之遺跡躋化城之縹緲欽鉢盂之朝露見蓮花之孤標扣雲門而望天柱列仙舞於情吳儼雙椒之闌

欽定四庫全書

王文成全書
卷十九

三一

匡時兮夫焉前枉而直後當天寶之末代兮淫好色以信讒惡來妹喜其猖獗兮衆皆狐媚以貪婪判獨毅而不顧兮爰命夫以僕妾之後寧直死以顛頤兮夫焉患得而局促開元之紹基兮亦遑遑其求理生逢時以就列兮固雲臺麟閣而容與夫何漂泊於天之涯兮登斯樓乎延佇信流俗之嫉妬兮自前世而固然懷夫子之故都兮沛余涕之潏潏廟堂之偃蹇兮或非情之所好惟不合於斯世兮恣沉酣而遠眺進吾不遇於武丁兮退吾將顏氏之簞瓢奚翅襲其昏迷兮亦夫子之所逃管仲之輔糾兮孔聖與其改行佐隣而失節兮始以見道之未明覲夜郎之有作兮橫逸氣以徘徊亦初心之無他兮故雖悔而弗摧吁嗟其誰無過兮抗直氣之為難輕萬乘於褐夫兮固孟軻之所嘆曠絕代而相感兮望天宇之漫漫去夫子其千祀兮世益隘以周容媒婦妾以馳騫兮又從而為之吮癰賢者化而改度兮競規曲以為同卒曰嶧山青兮河流瀉風颼颼兮澹平野凭高樓兮不見舟楫紛兮樓之

門真人駕陽雲而獨躋翠蓋平臨乎石照綺霞掩映乎天姥二神升於翠微九子鄰於積稻炎燉起於玉甌爛石碑之文藻回澄秋於枕月建少微之星旒覆甌承滴翠之餘瀝展旗立雲外之旌纛下安禪而步逍遙覽雙泉於松杪踰西洪而憩黃石懸百丈之瀨瀨瀨流觴而縈紆遺石船於澗道呼白鶴於雲峰釣嘉魚於龍沼倚透碧之峴岬謝塵寰之紛擾攀齊雲之巉峭鑑琉璃之浩漾沿東陽而西歷殮九節之蒲草樵人導余以冥探

排碧雲之瑤島羣巒翳其繆藹失陰陽之昏曉垂七布之沉沉靈龜隱而復佻履高僧而屨招賢開白日之杲杲試明若於春陽汲垂雲之淵湫凌繡壁而據石屋何文殊螺髻之蟠糾梯拱辰而北盼隳遺光於拾寶緇裳迓於黃袍休圓寂之幽俏鳥呼春於叢篁和雲韶之鷺鷥喚起促余之晨興落星河於簷櫺護山嘎其驚飛恠遊人之太早攬卉木之如濯被晨暉而爭姣靜饒聲之剝啄幽人劖參巖於冥杳碧鷄噉於青林鵬翻雲而失

皓隱搗藥於樛蘿挾提壺餅焦而翔繞鳳凰承孟冠以相遺飲沆瀣之仙醪羞竹實以嬉翺集梧枝之嫋嫋嵐欲雨而霏霏鳴濕濕於薔蓓躡三遊而轉青峭拂天香於茫渺席泓潭以濯纓浮桃瀉而揚縞淙淅淅而落蔭飲猿猱之捷狡睨斧柯而昇大還望會仙於雲表憫子京之故宅欵知微之碧桃候金光之閃映曉累景於穹坳弄玄珠於赤水舞千尺之潛蛟並花塘而峻極散香林之迴飈撫浮屠之突兀泛五釵之翠濤襲玆芳於絕

嗽裛金步之搖搖莎羅躑躅芬敷而燦耀幢玉女之妖嬌攀龍鬚於靈寶墮鉢囊之飄飄開仙掌於嶽嵌散青馨之迢迢披白雲而蹠崇壽見參錯之僧寮日既夕而山冥掛星辰於窿叢宿南臺之明月虎夜嘯而罷啤鹿麋羣遊於左右若將侶幽人之岑寥迥高寒其無寐聞冰壑之洞簫溪女厲情瀧而爆米雜精苓之春苗邀予觴以玉液飯玉粒之瓊瑤溘辭予而遠去颿霞裾之飄飄復中峰而悵望或仙蹤之可招迺下見陽陵之蛇蟻

忽有感於子明之宿要逝予將遺世而獨立採石芝於層霄雖長處於窮僻迺永離乎魍魎彼蒼黎之緝緝固吾生之同胞苟顛連之能濟吾豈靳於一毛矧狂胡之越獫王師局而奔勞吾寧不欲請長纓於闕下快平生之鬱陶顧力微而任重懼覆敗於或遭又出位以圖遠將無諠於鷦鷯嗟有生之迫隘等滅沒於風泡亦富貴其奚為猶榮薜之一朝曠百世而興感蔽雄傑於蓬蒿吾誠不能同草木而腐朽又何避乎羣喙之呶呶已矣

乎吾其鞭風霆而騎日月被九霞之翠袍搏鵬翼於北
溟釣三山之巨鰲道崑崙而息駕聽王母之雲璈呼浮
丘於子晉招勾曲之三茅長遨遊於碧落共太虛而逍
遙亂曰蓬壺之藐藐兮列仙之所逃兮九華之矯矯兮
吾將於此巢兮匪塵心之足攬兮念鞠育之劬勞兮苟
初心之可紹兮永矢弗撓兮

弔屈平賦 丙寅

正德丙寅某以罪謫貴陽取道沅湘感屈原之

事為文而弔之其詞曰

山黯慘兮江夜波風颼颼兮木落森柯汎中流兮焉泊
湛椒醕兮吊湘纍雲冥冥兮月星蔽晦水峻嶒兮霞又
下纍之宮兮安在悵無見兮愁予高岸兮嶮崎紛糾錯
兮樛枝下深淵兮不測穴瀕洞兮蛟螭山岑兮無極空
谷谿訝兮迥寥寂猿啾啾兮吟雨熊羆嗥兮虎交蹟念
纍之窮兮焉托處四山無人兮駭狐鼠魑魅遊兮羣跳
嘯嗽出入兮為纍姦嫉纍正直兮反詆為殃昵比上

晦明懷若人兮將予退藏宗國淪兮摧腑肝忠憤激兮
中道難勉低回兮不忍溘自沉兮心所安雄之謏兮讒
喙衆狂釋兮謂纍揚已為魑為魅兮為讒媵妾纍視若
鼠兮佞穎有泚纍忽舉兮雲中龍旗掩靄兮颶風橫四
海兮倏忽駟玉虬兮上衝降望兮大壑山川蕭條兮淋
寥廓逝遠去兮無窮懷故都兮蜷局亂曰日西夕兮沅
湘流楚山嵯峨兮無冬秋纍不見兮涕泗世愈隘兮孰
知我憂

思歸軒賦 庚辰

陽明子之官於虔也解之後喬木蔚然退食而望若處深麓而遊於其鄉之園也構軒其下而名之曰思歸焉門人相謂曰歸乎夫子之役役於兵革而沒沒於徽纆也而靡寒暑焉而靡昏朝焉而髮蕭蕭焉而色焦焦焉雖其心之固囂囂也而不免於囂囂焉嘵嘵焉亦奚為乎搗中竭外而徒以勞勞焉為乎哉且長谷之迢迢也窮林之寥寥也而耕焉而樵焉亦焉往而弗宜矣夫退身以全節大知也欽德以亨道大時也怡神養性以遊

欽定四庫全書

王文成公書
卷十九

於造物大熙也又夫子之夙期也而今日之歸又奚以思為乎哉則又相謂曰夫子之思歸也其亦在陳之懷歟吾黨之小子其狂且簡俵俵然若瞽之無與偕也非吾夫子之歸孰從而裁之乎則又相謂曰嗟乎夫子而得其歸也斯土之人為失其歸矣乎天下之大也而皆是焉其誰與為理乎雖然夫子而得其歸也而後得於道惟夫天下之不得於道也故若是其貿貿夫道得而志全志全而化理化理而人安則夫斯人之徒亦未

始為不得其歸也而今日之歸又奚疑乎而奚以思為乎陽明子聞之憮然而嘆曰吾思乎吾思乎吾親老矣而暇以他為乎雖然之言也其始也吾私焉其次也吾資焉又其次也吾幾焉乃援琴而歌之歌曰歸兮歸兮又奚疑兮吾行日非兮吾親日衰兮胡不然兮日思兮旋兮後悔可遷兮歸兮歸兮二三子之言兮

咎言 丙寅

正德丙寅冬十一月守仁以罪下錦衣獄省愆

欽定四庫全書

王文成公書
卷十九

九

內訟時有所述既出而錄之

何玄夜之漫漫兮悄予懷之獨結嚴霜下而增寒兮皦明月之在隙風啾啾以憎木兮鳥驚呼而未息魂營營以惴恍兮目窅窅其焉極慄寒飈之中人兮杳不知其所自夜展轉而九起兮沾予襟之如泗胡定省之弗遑兮豈荼甘之如薺懷前哲之耿光兮恥周容以為比何天高之冥冥兮孰察予之衷予匪戚於累囚兮牴匪予之為恫沛洪波之浩浩兮造雲阪之濛濛稅予駕其安止

兮終予去此其焉從孰瘳之在頸兮謂累足之何傷
熏目而弗顧兮惟盲者以為常孔訓之服膺兮惡訐以
為直辭婉孌期巷遇兮豈予言之未力皇天之無私兮
鑒予情之靡他寧保身之弗知兮膺斧鑕之謂何蒙出
位之為愆兮信愚忠而蹈亟苟聖明之有裨兮雖九死
其焉恤亂曰予年將中歲月道兮深谷崆峒逝息遊兮
飄然凌風八極周兮孰樂之同不均憂兮匪修名崇仁
之求兮出處時從天命何憂兮

欽定四庫全書

王文成全書
卷十九

守儉弟歸曰仁歌楚聲為別予亦和之

庭有竹兮青青上喬木兮鳥嚶嚶妹之來兮弟與偕行
竹青青兮雨風鳥嚶嚶兮西東弟之歸兮兄誰與同江
雲閣兮暑雨江波渺渺兮愁予弟別兄兮須臾兄思弟
兮何處景翳翳兮桑榆念重闌兮離居路修遠兮崎嶇
沮風波兮江湖山有洞兮洞有雲深林窅窅兮澗道曛
松落落兮葛纍纍猿啾啾兮鶴怨羣山之人兮不歸山
鬼晝嘯兮下上煙霏風嫋嫋兮桂花落草萋萋兮春日

遲葺予屋兮雲間荒予園兮溪之陽驅虎豹兮無踐我
藿擾麋鹿兮無駭我場解予綬兮鍾阜委予佩兮江湄
往者不可追兮嘆鳳德之日衰將沮溺其耦耕兮孰接
輿之避予回予駕兮扶桑鼓予柅兮滄浪終携汝兮空
谷採三秀兮徜徉

祈雨辭

正德丙子
南贛作

嗚呼十日不雨兮田且無禾一月不雨兮川且無波一
月不雨兮民已為疴再月不雨兮民將奈何小民無罪
今天無咎民撫巡失職兮罪在予臣嗚呼盜賊兮為民
大屯天或罪此兮赫威降嘖臣則何罪兮玉石俱焚嗚
呼民則何罪兮天何遽怒油然興雲兮雨茲下土彼罪
曷逋兮哀此窮苦

歸越詩三十五首

弘治壬戌年以刑部主
事告病歸越并楚遊作

遊牛峰寺四首

牛峰寺今改
名浮峰

洞門春靄蔽深松飛磴縈空轉石峯猛虎踞崖如出柙
斷螭蟠頂訝懸鐘金城絳闕應無處翠壁丹書尚有蹤

欽定四庫全書

王文成全書
卷十九

十一

天下名區皆一到此山殊不厭來重

縈紆鳥道入雲松下數湖南百二峯巖夫吠人時出樹
山僧迎客自鳴鐘凌飈陟險真扶病異日探奇是舊蹤
欲扣靈闕問丹訣春風蘿薜隔重重

偶尋春寺入層峰曾到渾疑是夢中飛鳥去邊懸棧道
馮夷宿處有幽宮溪雲晚度千巘雨海月涼飄萬里風
夜擁蒼厓卧丹洞山中亦自有王公

一卧禪房隔歲心五峰煙月聽猿吟蜚湍映樹懸蒼玉

欽定四庫全書

王文成全書
卷十九

十三

壺粉吹香落細金翠壁年多霜蘚合石牀春盡雨花深
勝遊過眼俱陳迹珍重新題滿竹林

又四絕句

翠壁看無厭山池坐益清深林落輕葉不道是秋聲
恠石有千竇老松多半枝清風灑巘洞是我再來時
人間酷暑避不得清風都在深山中池邊一坐即三日
忽見巘頭碧樹紅

兩到浮峰興轉劇醉眠三日不知還眼前風景色色異

惟有人聲似世間

姑蘇吳氏海天樓次鄭尹韻

晴雪吹寒春事濃江樓三月尚殘冬青山暗逐回廊轉
碧海真成捷徑通風暖簷牙雙燕劇雲深簾幙萬花重
倚闌天北疑回首想像丹梯下六龍

山中立秋日偶書

風吹蟬聲亂林卧驚新秋山池靜澄碧暑氣亦已收青
峯出白雲突兀成瓊樓袒裼坐溪石對之心悠悠倏忽

欽定四庫全書

王文成全書
卷十九

十三

無定態變化不可求浩然發長嘯忽起雙白鷗

夜雨山翁家偶書

山空秋夜靜月明松檜涼沿溪步月色溪影搖空蒼山
翁隔水語酒熟呼我嘗褰衣涉溪去笑引開竹房謙言
值暮夜盤飧百無將露華明橘柚摘獻冰盤香洗盞對
酬酢浩歌入蒼茫醉拂巖石卧言歸遂相忘

尋春

十里湖光放小舟謾尋春事及西疇江鷗意到忽飛去

野老情深只自留日暮草香含雨氣九峯晴色散溪流
吾儕是處皆行樂何必蘭亭說舊遊

西湖醉中謾書二首

十年塵海勞魂夢此日重來眼倍清好景恨無蘇老筆
乞歸徒有賀公情白鳬飛處青林晚翠壁明邊返照晴
爛醉湖雲宿湖寺不知山月墮江城
掩映紅粧莫謾猜隔林知是藕花開共君醉卧不須到
自有香風拂面來

欽定四庫全書

王文成全書
卷十九

十四

九華山下柯秀才家

蒼峯抱層嶂翠瀑繞雙溪下有幽人宅蘿深客到迷
夜宿無相寺

春宵卧無相月照五溪花掬水洗雙眼披雲看九華巘
頭金佛國樹杪謫仙家彷彿聞笙鶴青天落絳霞

題四老圍棋圖

世外烟霞亦許時至今風致後人思却懷劉項當年事
不及山中一着棋

無相寺三首

老僧巖下屋繞屋皆松竹朝聞春鳥啼夜伴巖虎宿
坐望九華碧浮雲生曉寒山靈應秘惜不許俗人看
靜夜聞林雨山靈似欲留只愁梯石滑不得到峯頭

化城寺六首

化城高住萬山深樓閣憑空上界侵天外清秋度明月
人間微雨結浮陰鉢龍降處雲生座巖虎歸時風滿林
最愛山僧能好事夜堂燈火伴孤吟

欽定四庫全書

王文成全書
卷十九

十五

雲裏軒窓半上鉤望中千里見江流高林日出三更曉
幽谷風多六月秋仙骨自憐何日化塵緣翻覺此生浮
夜深忽起蓬萊興飛上青天十二樓

雲端鼓角落星斗松頂袈裟散雨花一百六峯開碧漢
八十四梯踏紫霞山空仙骨葬金榔春暖石芝抽玉芽
獨揮談麈拂烟霧一笑天地真無涯

化城天上寺石磴入星躔雲外開丹井峯頭耕石田月
明猿聽偈風靜鶴參禪今日揩雙眼幽懷二十年

僧屋烟霏外山深絕世譁茶分龍井水飯帶石田砂香
細雲嵐雜窓高峯影遮林棲無一事終日弄丹霞
突兀開穹閣氤氲散曉鐘飯遺黃稻粒花發五釵松金
骨藏靈塔神光照遠峯微茫竟何是老衲話遺蹤

李白祠二首

千古人豪去空山尚有祠竹深荒舊徑蘚合失殘碑雲
雨羅文藻溪泉繫夢思老僧殊未解猶自索題詩

謫仙棲隱地千載尚高風雲散九峯雨巖飛百丈虹寺

欽定四庫全書

王文成公集
卷十九

十六

僧傳舊事詞客吊遺蹤回首蒼茫外青山感慨中

雙峯

凌崖望雙峯蒼茫竟何在載拜西北風為我掃浮靄

蓮花峯

夜靜涼飈發輕雲散碧空玉鈎掛新月露出青芙蓉

列仙峯

靈峭九萬丈參差生曉寒僊人招我去揮手青雲端

雲門峯

芙蓉閣二首

雲門出孤月秋色坐蒼濤夜久羣籟絕獨照宮錦袍
青山意不盡還向月中看明日歸城市風塵又馬鞍
巖下雲萬重洞口桃千樹終歲無人來惟許山僧住

書梅竹小畫

寒倚春霄蒼玉杖九華峯頂獨歸來柯家草亭深雲裏
却有梅花傍竹開

山東詩六首

弘治甲子年起復
主試山東時作

欽定四庫全書

王文成公集
卷十九

十七

登泰山五首

曉登泰山道行行入烟霏陽光散巖壑秋容淡相輝雲
梯掛青壁仰見蛛絲微長風吹海色飄飄送天衣峯頂
動笙樂青童兩相依振衣將往從凌雲忽高飛揮手若
相待丹霞閃餘暉凡軀無健羽悵望未能歸

二

天門何崔嵬下見青雲浮泱泱絕人世迥豁高天秋暝
色從地起夜宿天上樓天鷄鳴半夜日出東海頭隱約

蓬壺樹縹緲扶桑洲浩歌落青冥遺響入滄流唐虞變
楚漢滅沒如風漚藐矣鶴山僊秦皇豈堪求金砂費日
月顏顏竟難留吾意在龐古冷然馭涼颼相期廣成子
太虛顯遨遊枯槁向巖谷黃綺不足儔

三

窮屋不可極飛步凌烟虹危泉瀉石道空影垂雲松千
峯互攢簇掩映青芙蓉高臺倚巉削傾側臨崆峒失足
墮烟霧碎骨顛厓中下愚竟難曉摧折紛相從吾方坐
日觀披雲笑天風赤水問軒后蒼梧叫重瞳隱隱落天
語閭闔開玲瓏去去勿復道濁世將焉窮

四

塵網苦羈縻富貴真露草不如騎白鹿東遊入蓬島朝
登太山望洪濤隔縹緲陽輝出海雲來作天門曉遙見
碧霞君翩翩起員嶠玉女紫鸞笙雙吹入晴昊舉首望
不及下拜風浩浩擲我玉虛篇讀之殊未了傍有長眉
翁一一能指道從此煉金砂人間跡如掃

欽定四庫全書

王文成全書
卷十九

十六

五

我才不救時匡扶志空大置我有無間緩急非所賴孤
坐萬峯巔嗒然遺下塊已矣復何求至精諒斯在澹泊
非虛杳灑脫無芥蒂世人聞予言不笑即吁恠吾亦不
強語惟復笑相待魯叟不可作此意聊自快

泰山高次王內翰司獻韻

歐生誠楚人但識廬山高廬山之高猶可計尋丈若夫
泰山仰視恍惚吾不知其尚在青天之下乎其已直出
青天上我欲倣擬試作泰山高但恐培塿之見未能測
識高大筆底難具狀扶輿磅礴元氣鍾突兀半遮天地
東南衡北恒西太華俯視偃僂誰爭雄人寰茫昧乍隱
見雷雨初解開鴻濛繡壁丹梯烟霏靄霽海日初湧照
耀蒼翠平麓遠抱滄海灣日觀正與扶桑對聽濤聲之
下瀉知百川之東會天門石扇豁然中開幽崖邃谷巖
積隱埋中有遯世之流龜潛雌伏殫霞吸秀於其間往
往恠謫多僊才上有百丈之飛湍懸空絡石穿雲而直

欽定四庫全書

王文成全書
卷十九

十九